

**Umiarsuarni inuttat pillugit inatsimmi piginnaassusissanik  
piumasaqaatinik aamma inuttanut malittarisassanik saneqqussineq pillugu  
nalunaarut**

Umiarsuarni inuttat pillugit inatsimmi § 18, imm. 2, nr. 2, litra a-d malillugit, tak. inatsimmut nalunaarut nr. 74, 17. januar 2014-imeersoq, aamma umiarsuarni inuttat pillugit inatsisip Kalaallit Nunaannut atuutilersinneqarnissaanut peqqussummi nr. 608, 25. juni 2001-imeesrsumi § 18, imm. 2, nr. 2, litra a-d, aalajangersarneqarpoq:

**§ 1.** Søfartsstyrelsenip umiarsuarni inuttat pillugit inatsimmi aamma umiarsuarni inuttat pillugit inatsisip Kalaallit Nunaannut atuutilersinneqarnissaanut peqqussummi § 5, imm. 2 mianeralugu, nalilersuereernikkut piginnaassusissanik piumasaqaatit qaffasinnaavai imaluunniit appartillugit, umiarsuarni inuttat pillugit inatsimmi § 6, imm. 2-mi aamma umiarsuarni inuttat pillugit inatsisip Kalaallit Nunaannut atuutilersinneqarnissaanut peqqussummi § 6, imm. 1-imi allaqqasut imatut pisoqartillugu:

- 1) Danskít sineriaata avataani angallannermi nunap allap sineriaata qanittuani angallannermut assingusunik atugassaqartitaaffiusumi piumasaqaataalluni, sumiiffinni pineqartuni immikkuualuttut aamma piumasaqaatit attuumassuteqartut allat nuna imaluunniit nunat pineqartut imaluunniit illuatungerisat attuumassuteqartut suleqatigalugit erseqqissarneqarsimatillugit, tak. STCW-mik isumaqatigiissutip naleqqussaanera I/3.
- 2) Umiarsuarnut ilaasartaatinut aamma umiarsuarnut orsussamik usisartunut umiarsuup ilusilersugaanera, atortui, angallavia aamma ilaasut amerlassusaat mianeralugit.
- 3) Umiarsuarni ingerlariaatsikkut immikkut piginnaasaqartuni angallannermi.
- 4) Umiarsuarni immikkut ittunik sakkooqartuni imaluunniit immikkut ittunik atortoqartuni angallannermi.
- 5) Umiarsuarni immikkut ittumik sanaajusuni angallannermi.

**§ 2.** Nalunaarummi § 1, nr. 1, Kalaallit Nunaannut atuutinngilaq.

**§ 3.** Nalunaarut atuutilissaaq ulloq 1. juli 2023.